

**Broj: 01-07-1237-04/08**  
**Mostar, 19.11.2008. godine**

Na osnovu člana 43. Zakona o električnoj energiji („Službene novine Federacije BiH“ broj 41/02, 24/05, 38/05) i člana 31. stav (2) i člana 37. stav (3) Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), a po prijedlogu Javnog poduzeća „Elektroprivreda Hrvatske zajednice Herceg Bosne“ dioničko društvo Mostar, Regulatorna komisija za električnu energiju u Federaciji Bosne i Hercegovine – FERK je, na XVI redovnoj sjednici održanoj u Mostaru dana 19.11.2008. godine, donijela

## **O D L U K U**

### **o usvajanju Mrežnih pravila distribucije**

#### **Član 1.**

Usvajaju se Mrežna pravila distribucije Javnog poduzeća „Elektroprivreda Hrvatske zajednice Herceg Bosne“ dioničko društvo Mostar predložena od strane ovog javnog poduzeća, u tekstu koji je dostavljen FERK-u dana 10.10.2008. godine pod brojem 06-03-1091/08, sa izmjenama i dopunama kako je to navedeno u prilogu, koji čini sastavni dio ove odluke.

#### **Član 2.**

Mrežna pravila distribucije iz člana 1. ove odluke objavit će se u „Službenim novinama Federacije BiH“ i na web stranici FERK-a, te će se dostaviti Javnom poduzeću „Elektroprivreda Hrvatske zajednice Herceg Bosne“ dioničko društvo Mostar.

#### **Član 3.**

Ova odluka stupa na snagu danom donošenja, te se objavljuje na web stranici i oglasnoj tabli FERK-a, kao i u „Službenim novinama Federacije BiH“.

### **O b r a z l o ž e n j e**

Članom 43. Zakona propisano je da se pogon i način vođenja distribucijske mreže u elektroenergetskom sistemu uređuje Mrežnim pravilima, kojima se posebno propisuju tehnički i drugi uslovi za priključak korisnika na mrežu, tehnički i drugi uslovi za siguran pogon elektroenergetskog sistema radi pouzdanog snabdjevanja kvalitetnom električnom energijom, zatim postupci pri pogonu elektroenergetskog sistema u kriznim stanjima, te tehnički i drugi uslovi za međusobno povezivanje i djelovanje mreža. Propisano je i da Mrežna pravila predlaže operater distribucije u saradnji s nezavisnim operaterom sistema i distributerima, a donosi FERK, te da se Mrežna pravila objavljuju u "Službenim novinama Federacije BiH".

Na osnovu prednjih zakonskih odredbi, FERK je u Početnoj dozvoli za rad – licenci za obavljanje elektroprivredne djelatnosti distribucija električne energije broj 06-03-516/05/05 koja je 01.12.2005. godine izdata JP „Elektroprivreda HZ HB“ d.d. Mostar, u tački 4.10. odredio obavezu izrade prijedloga Mrežnih pravila distribucije.

U cilju osiguranja transparentnosti i javnosti postupka izrade i donošenja Mrežnih pravila, a slijedeći osnovna načela rada, kao i pravila i propise FERK-a, donesenim radi provedbe Zakona o električnoj energiji, FERK je 08.09.2006. godine donio Odluku o postupku donošenja Mrežnih pravila br. 05-07-707-07/06 („Službene novine Federacije BiH“ broj 55/06).

U skladu sa navedenom Odlukom, JP „Elektroprivreda HZ HB“ d.d. Mostar je dostavilo FERK-u Prijedlog Mrežnih pravila distribucijskog sustava pod brojem 01-01-371/07 dana 24.04.2007. godine. Javna rasprava o nacrtu Mrežnih pravila distribucijskog sustava JP „Elektroprivreda HZ HB“ d.d. Mostar održana je u Mostaru, u prostorijama ovog javnog preduzeća 16.03.2007. godine sa početkom u 11.00. sati, na kojoj je prisustvovalo 37 zainteresiranih osoba, pored ostalih i predstavnici Neovisnog operatera sustava u BiH (NOS-a) i „Elektroprijenosa BiH“ a.d. Banja Luka. Nakon obrade stenograma sa rasprave i pisanih komentara, prijedlozi i komentari dati na nacrt Mrežnih pravila distribucijskog sustava su podijeljeni u dvije kategorije, uopćene komentare i konkretne prijedloge na određene članove. Uz navedeni prijedlog dostavljeno je „Izvjeshće sa javne rasprave o nacrtu Mrežnih pravila distribucijskog sustava“, kao i „Prijedlozi i komentari na nacrt Mrežnih pravila iznešeni na javnoj raspravi“, u okviru kojeg je ovo javno poduzeće dalo obrazloženje za svoju ocjenu opravdanosti pojedinih komentara datih na nacrt Mrežnih pravila distribucijskog sustava.

Obzirom da je FERK dana 23.05.2008. godine donio Opće uslove za isporuku električne energije („Službene novine Federacije BiH“ broj 35/08), FERK je pored pažljive analize dostavljenog prijedloga Mrežnih pravila distribucijskog sustava, izvještaja o podnesenim komentarima u kojima je obrazloženo koji komentari se smatraju opravdani i utemeljeni, kao i razloga za neprihvatanje određenih komentara i komentare zainteresiranih osoba koji su dostavljeni u FERK, odredbe istih analizirao i u odnosu na donesene Opće uslove za isporuku električne energije. Obzirom na navedeno FERK je 10.07.2008. godine, donio Zaključak broj 04-07-791-02/08 kojim je naloženo JP „Elektroprivreda HZ HB“ d.d. Mostar da u FERK do 15.09. 2008. godine dostavi dopunjeni i izmjenjeni prijedlog Mrežnih pravila distributivnog sistema, koji u skladu sa članom 43. Zakona o električnoj energiji treba biti usaglašen sa Nezavisnim operaterom sistema Bosne i Hercegovine, a sve kako bi FERK mogao postupiti u skladu sa Zakonom datim ovlaštenjem.

Postupajući po Zaključku FERK-a, JP „Elektroprivreda HZ HB“ d.d. Mostar je 10.10. 2008. godine pod brojem 06-03-1091/08 dostavila dopunjeni i izmjenjeni prijedlog Mrežnih pravila distribucijskog sustava. Obzirom da je JP „Elektroprivreda HZ HB“ d.d. Mostar provela postupak donošenja Mrežnih pravila distribucijskog sustava u skladu sa odlukom FERK-a broj 05-07-707-07/06 od 08.09.2006. godine, te da su ista dopunjena i izmjenjena u odnosu na donesene Opće uslove za isporuku električne energije, FERK je

putem svoje web stranice obavijestio javnost o dostavljenim Mrežnim pravilima distribucijskog sustava 15.10.2008. godine i istovremeno omogućio javnosti preuzimanje sadržaja istih. Istog dana FERK je navedeni prijedlog dostavio i Elektroprijenosu Bosne i Hercegovine a.d. Banja Luka i Neovisnom operateru sistema u Bosni i Hercegovini, te ih pozvao da dostave svoje pisane komentare u FERK do 22.10.2008. godine.

Dana 22.10. i 24.10.2008. godine u FERK su zaprimljeni komentari Elektroprijenosa Bosne i Hercegovine a.d. Banja Luka koji su se pored ostalog odnosili na odredbe Mrežnog kodeksa, priključenje korisnika mreže na srednjenaponska postrojenja u TS 110/x kV u vlasništvu Elektroprenosa BiH, planiranje razvoja prenosne mreže i uloge Elektroprenosa BiH a.d. Banja Luka, saradnju s Elektroprijenosom BiH a.d. Banja Luka, te razmjenu podataka sa Elektroprijenosom BiH a.d. Banja Luka i Neovisnim operaterom sistema BiH, kao i nadležnostima za upravljanje SN odvodima i u objektima Elektroprijenosa.

Nakon provedenih procesa javnih rasprava, a razmatrajući Izvještaj o primljenim i usvojenim komentarima zainteresiranih lica na nacrt Mrežnih pravila distribucijskog sustava JP „Elektroprivreda HZ HB“ d.d. Mostar i dostavljenog dopunjenog i izmjenjenog prijedloga Mrežnih pravila distribucijskog sustava, FERK je utvrdio da dati komentari, kao ni urađene dopune i izmjene, nisu bili takve prirode da zahtijevaju suštinsku reviziju radi kojih bi se obnovio postupaka javnih rasprava, FERK je pažljivo analizirao dostavljeno, vodeći računa da pogon i način vođenja distributivne mreže imaju jasno i precizno definirane granice nadležnosti upravljanja i aktivnosti distributera, operatera distribucije i Neovisnog operatera sistema, te je izmijenio članke koji nisu bili sukladni Mrežnom kodeksu. FERK je vodio računa i o odredbama Općih uslova za isporuku električne energije, te uslovima izdate Dozvole za rad-licence za obavljanje elektroprivredne djelatnosti distribucija električne energije i nastojanju FERK-a da ostvari Zakonom postavljene ciljeve na način usklađen s međunarodnim općeprihvaćenim standardima, te je prijedlog Mrežnih pravila distribucijskog sustava JP „Elektroprivreda HZ HB“ d.d. Mostar bio predmet razmatranja na XVI redovnoj sjednici FERK-a.

Na osnovu navedenog, odlučeno je kao u dispozitivu ove odluke.

**PREDSJEDNICA FERK-a**  
**Dulizara Hadžimustafić**